

百宋樓藏書續志

頤宋樓藏書續志卷之四

歸安陸心源伯剛父編

醫家類

風科集驗名方二十八卷

元大德刻本

**金**北京太醫趙大中編修覃懷儒醫趙子中傳  
習大元國特賜皇極道院虛白處士趙素才卿

補闕

按素問上古聖人之教下也皆謂之虛邪賊風  
避之有時風者百病之長也其傷人也有淺深  
內外寒熱之分至其變化以爲它病病有萬殊

醫之用藥烏可執一而不達其變此集驗名方所由著也國初虛白處士趙公獲是書於荆湖間今湖廣官醫提舉劉君卿得之用以起廢多矣慮其歲久謄寫失真命廬陵左辰叟校雠增定鏤板以行需予敘諸編首予聞公輸之巧不以規矩不能成方圓師曠之聰不以律呂不能正五音況醫者人命所係可無師傳輕用之哉若夫述內經之旨要究病證之根源列聖賢之治法具古今之方論廣記而備言有條而不紊所謂藥疾之司南醫學之鈐鍵歟予非知醫者

也獨美君卿刻意茲術務廣先哲仁民濟物之心於是乎書大德壬寅陽月初吉翰林學士承旨正奉大夫知制誥兼修國史閻復序

大德十年歲次丙午孟夏上旬有十日前湖廣官醫提舉頤齋劉世榮寓杭錢梓

予世居恆山幼適欠州太祖親差馳駟燕然覆實天下財穀每於致知格物恨未究底蘊幸遇吾師明陽先生朝經暮典溫故知新迺至醫卜道釋儒農工商技藝罔不傳習目若權衡手如刀尺未有不知其要畧者歲庚子間又會心庵

乃明陽嗣法之子至丙午歲蒙恩特賜皇極道  
院賜號虛白處士來鎮陽也予一日中酒風吐  
血數椀諸醫不救處士用一物解之不三日保  
康翼日親謁詰其所處之方遂出示一書題曰  
風科經驗名方通乎聖惠迺北京太醫趙大中  
奉勅編修值金亂遁於吳山有覃懷趙子中傳  
習湮沒其本虛白處士涉於荆湖間獲元本失  
其序引歲丙申挾策歸明大元復居恆山仕宦  
名家凡有中風者治之不踰月而痊愈奚可數  
焉予憐其編緝諸風未備者補綴完美不揆荒

蕪而序其筆汗之勞使疾人不置拐杖而復登  
車上馬天下萬世有賴不爲細事矣大元諸路  
覆實官安慶光華序

夫方者乃九州風物之宜治病之方也上古大  
聖人帝義帝農帝軒憂患後世生靈之疾苦所  
以作也日方日法日術迺雷公巫彭之所授也  
上自周秦下及唐宋皆以風論爲首諸科爲亞  
其次方書偏曲闕畧未可以爲後世法則也予  
雲游三十載髣髴半天下思江湖省蠻蜀之藥  
適幽雲曉羌戎之劑齊楚不同夏麗各異居方

隅未可言有所得也諺云不願爲相者可以爲  
醫非諳於病者難以知藥噫醫非細事可知五  
行萬物之數之氣之味之性用方劑始可爲據  
也故將耳聞目見得効作驗者書爲十集目之  
曰風科經驗名方實非利祿之學以備國家無  
疆之地資醫藥天橫之急爾時歲在昭陽赤奮  
若仲夏著雍敦牂朔旦大元國特賜虛白處士  
河中心庵趙素才卿敬題

湖廣官醫提舉劉君卿少事河中趙才卿學才  
卿旣被召賜還以皇極道院老焉遺山元先生

寶銘之晚出二書以授君卿一日風科集驗方  
一日心庵爲政九要君卿旣以醫道游公卿間  
屢爲當路推挽則所謂集驗方者無不試矣暨  
來錢唐首以方鍼梓將以廣師意也抑聞爲政  
之道與爲醫同雖所遇之疾五方不同而治之  
之術要皆古人已試之方故予信九要之驗必  
有甚於集方之驗者遂併出之以求傳遠來求  
余敘其首余觀九要之作鑿鑿然皆有政者之  
規才卿雖不試於用而卽聖經賢傳之所已陳  
以及夫官府田里之所甚著如意病命方表裏



虛實必舉中有不待切脉察色而望而知之者  
實上上之爲也何必身試之而後爲驗哉君卿  
醫者也故吾終以醫事喻云當塗南谷杜道堅  
書于錢唐宗陽之玄真館

先正有言達則願爲良相不達願爲良醫醫固  
非良相比也然任大責重其有關於人之休戚  
則一也醫豈易言哉鑿之良非鑿之良也方良  
也元貞丙申夏官醫提舉劉公君卿訪予沙羨  
寓舍出示虛白趙處士所著風科一編曰此濟  
世奇書也然傳愈久訛愈多蓋不特以一亥爲

三亥而已知君平日愛人以德有志活人敢以  
枝離爲請予不敏載念自幼多疾視人之疾猶  
己之疾今旣不得如王珪陸宣公達以行其志  
獨不能推二公當時輯秘要哀集驗方之心以  
淑諸人乎遂不復辭讓迺研精披究於是取素  
問靈樞難經中藏巢源千金外臺聖惠鑿說等  
書及南北經驗名方并說文字書逐一參訂謬  
者正之脫者補之複者削之舛者竄之畧者增  
之疑者缺之又取經子史集古今聖賢名鑿治  
風藥品治理製度動風食忌列于前庶成全書

門類七十有七今增廣一百六十有五通計二百四十二類元方六百三十二今續添一千三百四十七通計一千九百七十九方釐爲二十八卷每類則取聖賢議論病證源流或脉法鍼灸法備載篇首使覽者卽瞭然於心目之間其願爲良醫者皆有所依據察脉以驗病遵方而用藥可以已疾而免鑿誤之誦乃予之深願亦劉公相屬之盛心是書也予朝斯夕斯疲精竭神閱歷兩朞始克就緒不惟始終條理秩秩較之元本不爲無補昔呂文靖公集中書條例

成謂人曰自予有此例雖使一庸夫執之亦可  
以爲相今風科旣成予亦曰使常人得此亦可  
作明醫云大德戊戌端陽日後學廬陵左斗元  
辰叟自敘

皇極道院銘

虛白處士趙君已入全真而能以服膺儒教爲  
業發源語孟漸於伊洛之學方且探三聖書而  
問津焉計其眞積之力雖占候醫卜精詣絕出  
猶爲餘刃耳道風旣扇旌車特徵曳裾王門大  
蒙寵遇三年以母老得請歸在鎮陽行臺奉被

恩旨發泉公帑築館迎祥觀之故基是爲皇極  
道院年月日實敘而銘之處士名素字才卿河  
中人虛白其賜號云聖學心傳惟精惟一作新  
斯民下土是式相爾秉彜有物有則厥惟背馳  
固有而失有淫有朋有比其德匪伊司南俛其  
適墮于帝其訓王道正直福自爾求如斂而錫  
咨爾虛白慮然後得言以道敷中由權執賢王  
好善而康而色相叶厥居方穀之寶善頌善禱  
香火朝夕恭惟君師永建皇極遺山先生元好  
問裕之

醫家集驗方多矣未有專一門以該眾疾者此  
獨舉風科爲管轄其於神聖工巧何居昔者伏  
羲氏始畫八卦神農氏繼之憫民生之不易疾  
病之相尋其象爲蟲於是採百草木嘗而藥之  
蠱之爲卦艮上巽下巽風也艮者萬物之終始  
也巽宮八卦爲蟲爲血惟屬之艮上者終始之  
義大矣哉繫辭曰撓萬物者莫疾乎風人之身  
稟有厚薄養有疏密外邪客氣得以乘而入之  
有淺深皆風之爲風淫雖列於六症要其屬則  
合別以五感之多寡風徵雖列於庶徵要其會

則極起於一字之聖蒙治病治國無間然也神而妙聖而化風之德也則而象之還以治其不節不時醫之術廣矣工巧抑餘事焉是編蓋學醫之入徑歟亦所不可闕大德六年臘月辰日息翁鄭祿豫永陽清叟書于集賢邸舍以爲後序

醫之理奧意博源深流析自軒岐內經和陳六氣越人難經後英傑間出論議祖述騰輝發蘊條分類別昭如列宿至若探聖經之旨趣撮秘方之樞要式彰一家之科目用爲當代之龜鏡

視蘇民瘼目牛無全惟良醫乎虛白趙公儒而  
醫醫而良者也哀集風科名方簡而出之號專  
門學惜乎人亡道息提舉劉公君卿識高才博  
研精難素家傳心法獲是方知其妙契玄通默  
潛真訣乃方藝之淵源誠醫經之機括重爲演  
微素隱收遺補漏芟晦昧除混淆增修讎校理  
明義備亦猶荆岩珍璞遇和氏價倍者乎僕偕  
君卿遊相府下有年見其挾是方臨諸風證變  
化迅速命寄須臾傍觀失措公神閑意定明標  
本審虛實判於胸中決於指下卽以寒熱妙劑



或補之或瀉之效捷影響解同儕之猶豫釋患  
家之驚惶其所明決雖慶忌之辨賁育之力不  
能惑而挽也拯廢回生者非一眾所見聞奚待  
饒舌枚舉蓋是方非公得於心則處士之功幾  
乎泯矣然公非是方無以表仁人濟物之心是  
方亦有功於公也公恥獨祕之遂鋟梓廣其傳  
俾天下業於醫者志處士之所志學處士之所  
學通乎變而不膠於用開壽域於覆載間是公  
之功尤有大於處士之功焉公剛方正直士也  
綽有激濁揚清之志霜臺屢薦其能將膺殊擢

珥貂蟬冠獬豸掃民膏盲良相事業可期而方  
又公餘事耳瀛洲文章鉅公輩序詩佳什珠玉  
璀璨詠德紀實詳之矣僕荒蕪淺識故不能措  
一辭綴卷末特姑序其梗槩之大德甲辰季冬  
中旬廣平狄思聖

河中處士趙公名素字才卿心庵其號也虛白  
其賜號也家世業儒而通於岐黃之學洞究病  
證之本源哀集古今之治法以風爲百病之長  
編爲風科經驗名方凡中風者百試百效又有  
爲政九要述經世之法惜其不及見用悉以授

之頤齋劉君卿乃鏡諸梓以廣其師經濟之志  
可尙也已使彎羿弓去韓門者見之寧不媿死  
今承旨于靜聞先生亦旣爲之序矣而復不鄙  
求文於予予謂天下之病非一端天下之藥非  
一品天下之方非一法上聖教人醫藥何獨以  
風科爲先蓋鼓舞萬物者莫疾乎風順則爲生  
長邪則爲傷害所謂邪者卽天地間不正之氣  
是謂邪風人之飲食起居謹於護攝榮衛調腠  
理密元氣實則外邪客氣何自而入一有不和  
則外邪客氣始乘虛而入矣輕則爲風寒風溫

風濕濕溫所傷重則爲風所中皆邪風之害也  
故有風中於肝者有中於心者有中於脾於肺  
於腎於胃者名狀不一治療亦難誠能探脉別  
證依方用藥則回生起廢功可十全矣抑又論  
之藥方當以風科爲重治風以小續命湯爲第  
一藥其說然矣然不先通其氣而獨用此藥則  
亦未見其效況中氣證候卽與中風相似血隨  
氣行血虛生風凡癱瘓疼痛縱掣孿痺等證皆  
因血虛氣滯而得故治風者必先通氣氣一流  
行則痰氣不蒸風氣自散此醫書集方必以人

參順氣烏藥順氣等藥繼以小續命湯之次其深知此道矣然則心庵是編使偏州下邑殊方異域家傳而人誦之一啟秩間對病施治雖無醫可招之處亦可獲愈此正心庵頤齋醫國治人之志也故喜書而樂道焉大德丙午中秋日奉政大夫浙東海右道肅政廉訪副使臧夢解謹書

孫氏雲翼手跋曰先大夫曲水翁篤嗜古書所藏甚富是書雖刻於勝國時以繕鏤精緻又爲醫家言特珍惜之嘉靖中遭島夷兵燹避亂金

壇百物皆弃獨攜此書曾先慈抱痾延京口老  
盤錢霽山者灼艾無以娛之因出此書相示遂  
不告攜去耿耿往來於懷後從叔德輿出先祖  
石雲翁所藏遺書亦有是編亟購得之時外弟  
王宇泰方留心醫學復被豪奪意此書已矣終  
不可見矣後游陽羨市中復購得是編於周孝  
侯廟辛丑上公車又爲不肖子賣去訪而贖還  
迄今又十五年矣後之子孫其永保之無住居

士識

鍼灸資生經七卷

影寫元刻本

元大監王公執中編

銅人明堂黃帝歧伯鬼臈區留以活天下後世  
自 透膚之妙無傳乃謂是能絕筋絡傷血  
肉遂望而畏之爲疔則爲心於庸醫百藥之俱  
試不知病在巔者必灸風池風府非桂枝輩所  
能攻病在膺者必灸刺期門雖枳實輩不能去  
遂至於束手無策豈不哀哉近世朱肱龐安常  
俱爲鍼法許知可亦謂病當以刺愈之 鄒

以治法爲

類括往古聖賢活人之言賴

以復傳今東嘉王叔權又取三百六十穴背面

巔末行分類別以穴對病凡百氏之說切于理  
及已之見得于心者悉沐于■鍼灸之書至是  
始畧備古聖賢活人之言至是始無遺憾傳謂  
爲人子者不可不學醫予親年八十精力強健  
非賴此書耶因 醫術世傑訂濫可傳見者廣  
爲八條錢木庾司以補當代之闕時嘉定庚辰  
孟夏朔奉議郎提舉淮南東路常平茶鹽公事  
徐正卿序

進表

昔神農嘗百草之味以救萬民之疾周官設疾



醫之政以掌萬民之病著在簡編爲萬世法我  
宋勃興神聖相授咸以至仁厚德涵養生類且  
謂札瘥薦臻四時代有救恤之術莫先方書故  
自開寶以來蚤敕近臣讎校本草厥後纂次神  
醫普救刊行太平聖惠重定鍼灸命穴校正千  
金外臺又作慶厯善救簡要濟眾等方以惠天  
下或範金揭石或鏤板聯編是雖神農之用心  
成周之致治無以過也天錫神考睿聖承統其  
好生之德不特見於方論而已又設太醫局熟  
所於京師其恤民瘼可謂勤矣主上天縱深仁

孝述前列爰自崇寧增置柴局揭以和劑惠民之名俾夫修製給賣各有攸司又設收買藥材所以革僞濫之弊比詔會府咸置藥局所以推廣祖考之德澤可謂曲盡然自創局以來所有之方或取於醫藥之家或得於陳獻之士未經參訂不無舛訛雖嘗鑿板頒行未免傳疑承誤故有藥味脫漏銖兩過差製作多不依經祖襲間有僞妄至於貼榜謬戾尤多殆不可以一二舉也頃因條具上達朝廷繼而被命遴選通醫俾之刊正於是請書監之秘文採名賢之別錄

公私眾本搜獵靡遺事闕所從無不研核或端  
本以正末或泝流以尋源訂其訛謬析其淆亂  
遺佚者補之重複者削之未閱歲而書成繕寫  
甫畢謹獻于朝將見合和者得十全之效飲餌  
者無纖芥之疑頌此成書惠及區宇遂使熙豐  
惠民之美意崇觀述事之洪規本末巨細無不  
畢陳納斯民於壽康召和氣於穹壤億萬斯年  
傳之無極豈不韙哉將仕郎措置藥局檢閱方書  
陳承奉議郎守太醫令兼措置藥局檢閱方書  
裴宗元朝奉郎守尚書庫部郎中提轄措置藥

局陳師文謹上

古語云有方不傳謂之不孝西銘云民吾同胞  
痒痾疾痛舉切諸身服膺斯言欲廣是心卒莫  
能遂昨家藏宋南渡後新刊鍼灸四書及針灸  
資生經實上古聖賢活人之指南也凡軫視脉  
息針灸俞穴具在此中然當世缺本是用梓行  
以每其傳民胞之仁

三峯廣勤葉景達重刊

譜錄類

續考古圖五卷釋文一卷

影寫宋刊本

宋趙九成撰

趙九成釋文序

內府藏本考古圖十卷續考古圖五卷釋文一卷宋呂大臨撰大臨字與叔藍田人元祐中官秘書省正字錢曾讀書敏求記云北宋鏤板得於無錫顧宸家後歸秦興季振宜又歸崑山徐乾學曾復從乾學借鈔其圖亦令良工繪畫不失毫髮紙墨更精于槧本云此本勘驗印記卽曾所手錄以校世所行本卷一多孔文父飲鼎圖一圖銘十四字說五十一字卷三邾敦圖

多一蓋圖卷四開封劉氏小方壺圖乃秘閣方  
文方壺圖秘閣方文方壺圖乃開封劉氏小方  
壺圖今本互相顛倒卷六目錄多標題盤匝孟  
弩戈削一行卷八多玉鹿盧劍具圖三說一百  
一十五字又多白玉雲鈎玉環玉玦圖各一卷  
九多京兆田氏鹿盧鎧圖一說四十七字又犀  
鎧第二圖與今本迥別又內藏環耳齋多一蓋  
圖卷十新平張氏連環鼎壺無右所從得及度  
量銘說皆闕失無可考惟樣存於此二十字又  
多廬江李氏錐斗圖一又獸鑑第二圖後有說

三十五字又卷末多邛州天寧寺僧捧勅佩圖  
二說四十六字卷首大臨自序大題曰後記附  
載卷末其餘字句行款之異同不可縷舉而參  
驗文義皆以此本爲長續圖卷一二十器卷二  
二十二器卷三二十六器卷四二十器卷五十  
二器先後不以類從蓋隨見隨錄故第五卷所  
載獨少其收藏名姓皆載圖說之首云右某人  
所得與前圖注名姓於標目下者例亦小殊釋  
文一卷前有大臨題詞以廣韻四聲編其字云  
吾衍學古編稱此圖有黑白兩樣黑白皆謂黑  
所刊款識

字者後有韻圖欠璠玉璣白字者博山爐上雜  
畫作人手此本銘文作白字然博山爐圖無所  
謂人手亦無所謂雜其釋文一卷依韻排次當  
卽衍所謂韻圖然入卷實有廬江李氏璠玉璣  
知行所見本亦不及此本之完善是書作於元  
祐王申在宣和博古圖之前而體例謹嚴有疑  
則闕不若博古圖之附會古人動成舛謬其邢  
敦一條胡安國注春秋成周宣榭火乃引以詰  
經信其說之可據矣然前圖十卷器之有銘者  
繪其圖必摹其銘摹其銘必釋其文今此續圖



五卷則有有銘而不摹其文摹文而不釋其讀  
者不特收藏姓氏標目之例與前十卷殊也又  
如第二卷引呂與叔

云

考古

云

而

第三卷

有紹興壬午所得之器壬午是紹興三十二年  
則此續圖五卷成於南宋非呂大臨所撰無疑  
錢氏槩目以北宋板亦未之詳考也至其後釋  
文一卷則所舉諸器皆是前圖所載者其釋榭  
字析字亦與前卷相合惟弋中匠弋字前圖釋  
作張而此從闕疑然張仲之文薛尙功鐘鼎欵  
識但引歐說而不及呂則前圖之釋張恐非呂

氏原本且今刻本考古圖有引薛釋某者薛尙  
功南宋人定是後人附益者爾則此釋文一卷  
當是大臨原本也

文淵閣校理翰林院編

修四庫全書纂修官翁方綱謹記

此書僅得見館寫副本或謄錄手寫多誤抑或  
錢氏影寫原本有誤皆未可知也其確可定者  
方綱校勘之次亦卽改寫而其未改者尙極多  
然此猶以楷文言之若篆則古文本無定本實  
不敢以臆斷故多有仍其樣書之者至於同一  
引說文而忽楷忽篆或與今說文本合又或不

盡合凡若此類亦皆依其舊書之將以待考云

爾方綱又記

又按此書內標題如寶斝

三卷

公

鍾吉金敦

寶鼎

並四卷

之類此皆與文義未協虔敦旅車

敦

並四卷

分爲二卷亦未善也釋文云簋字不

同然三象馨香之氣特蓋與器左右向背非寫法不同也又以徒下从止是未知止乃辵之下半而非止也凡此皆與六書乖者附記于此三月十日

昔人云書有誤寧改污勿挖補方綱書雖不工

然抄寫是書竊存此意

宋翟耆年籀史下卷有趙九成著呂氏考古圖說據此則釋文一卷是趙九成撰其卷前題詞蓋九成所爲也壬寅夏六月六日方綱識

愚案李邴嘯堂集古錄序有云鼎器款識極少字畫復多漫滅及得呂大臨趙九成兩家考古圖雖有典型辨識不容無舛據此則續攷古圖亦九成所輯不僅釋文而已

雜家類

東園叢說三卷

文淵閣傳抄本

碩宋樓藏書遺志卷四

六

宋李如篋撰

僕頃年僻居語兒之東鄉既無進取之望又不  
能營治資產日與樵漁農圃者處羹藜飯糗安  
分循理亦足以自樂時時披閱文籍省記舊聞  
隨手筆之遂成卷帙其間經史子集天文地理  
厯數之說無不有之目之曰東園叢說好古博  
雅君子覽之者殆將有取焉紹興壬子三月下  
澣桐鄉丞括蒼李如篋序

東園先生李君少遊上庠博學多聞與紹興諸  
倫魁皆友善平時上下論議出入經傳前言往

行靡不識錄庭筠來吏桐鄉密邇南廡暇日授  
以一編得償未見之願謹輟俸以棗諸梓具於  
學者亦有助云紹熙甲寅正吉建安周庭筠敬  
書

琴堂諭俗編二卷

文淵閣傳抄本

宋鄭至道撰彭仲剛續元應俊補

昔鄭彭二君子知鄉邑時作也大意在於先教  
化後刑罰使風俗知勸人皆爲士君子之歸然  
世之作邑者往往困于文書之期會窘於財賦  
之煎熬齊民之道惟知有刑罰而已奚暇以教

化爲先務哉如二令君之待斯民亦可謂仁也  
己余學製宜豐每念無以及人而人之相欺相  
陵相關相奪相戕賊相詆訐以唆教作生涯以  
脅持立門戶風俗之弊視鄭君所謂違理逆德  
之事彭君所謂乖爭之端情態萬狀者殆有甚  
焉因歎曰天生烝民有物有則人之秉彜好是  
懿德斯民之生未嘗無良心也其所以陷溺其  
良心不好德而好訟者蓋亦刀筆之習相師成  
風而不自覺爾余公退之暇遂取舊編附益之  
以前言往行以廣二令君未盡之意凡以訟求

者隨其事示之間有感悟然猶慮不能家至戶  
曉乃捐俸刻梓以傳使爾民之於家庭於族里  
於親戚朋友遞相訓告率而行之勿徂故習勿  
犯非法不特可以遷善而遠罪卽可以昌門戶  
而益子孫所爲不昧天亦不違此可謂自愛其  
身者矣爾民幸聽毋忽宋辛酉秋端芝亭長天  
台應俊書

余曩棲翰林歷見累朝元老唯齋劉公雪樓程  
公艸廬吳公每以忠厚之言告曰子他日爲政  
當以道德齊禮移風易俗爲先不可習苛刻爲



俗吏熊僕拳拳服膺未幾出宰廣州香山嘗以是爲心愧莫有以副其望偶得諭俗編一書閱之皆齊民之道復又感於予衷欲刊行而未果繼而改官潮幕初聞是郡乃昌黎過化之地天水所居之鄉號稱鄒魯喜甚至則民俗不然大以爲憂嘗語諸在泮之士有復於予曰民情莫不好善惡惡在治而教之者何如耳吾潮僻處海濱韓趙去遠治人者但知有刑治於人者不知有教公欲拯弊扶傾必先有以教之者郡學舊有三令諭俗編其義本於經書其言明白簡

易感人易人真化民成俗之要者歲久無存今是本得諸照磨東湖劉君英發劉君得之瑞州新君若重鈇梓以勸邦人誠大惠也余喜從其請長官僚友詢謀僉同昃究編目鄭令作之於前彭令修之於後應令又從而增益之以廣未盡之意凡四十篇始於五服圖終於積陰德中言孝友忠信務本節用之類不一而足嗟乎使人人能讀而知之又能行之則皆有士君子之行何患乎俗之不厚哉若廣其傳則可爲天下勸夫豈獨爲是邦勸但惜其闕交朋友一條昔

朱子與編小學書嘗以實善行篇偶脫朋友一節爲恨蓋朋友者人之大倫以之責善也其可闕乎愚故不揆固陋竊取朱子之意以足之庶幾有補於民彞之萬一云天曆二年歲次己巳孟夏月承直郎潮州路總管府經歷左祥謹敘同姓名錄十二卷補錄一卷 舊抄本

〔明〕古董余寅僧杲著同邑王佐翼卿校

劉一燦序

閔洪學序

術數類

青烏經一卷 明抄本

錢求赤藏書

不著撰人名氏

錢氏手跋曰按抱朴子曰黃帝相地理則書青烏之說據此則青烏黃帝時人也然此書文字其清奇高古亦似秦漢時人恐不盡上古之書矣又按世說初學記所引此書有三重相連名連拿山葬二千石及葬龍耳貴出五侯後當滅門等語而此書皆不見則此本已非完書又可見也又二千石五侯至漢人始有此名則此書出漢人或潤色古本又未可知也往歲庚寅予

以家禍頗有事於此因爲覩得完顏人古注一本及萬歷中金陵人注一本皆荒謬不通雖嘗稍加刪酌然學識短淺不啻涸魚目于夜光深

有疚慙今盡削之祇存本文仍書其源流以爲堪輿一家言之所自自而臆說紛紛曾無取焉

歲在辛丑閏月十日雞鳴里人匪庵再識

葬經內篇

明抄本

錢求赤藏書

晉郭璞撰

錢氏手跋曰葬經世所傳三卷及分類本皆章次顛倒紊然淆亂獨是刻井井有條斐然可觀

眞郭氏古本余雖不敏嗜之實篤後有識者尙其珣之蒙眛云葬經唯程篁墩家所刻最善蓋本古宋刻也予未及見今此刻則穆氏校本也  
匪庵

楊氏青囊經

明抄本

錢求赤藏書

唐楊筠松撰

錢氏手跋曰讀楊公是書乃知天地間自有一種一定不易道理而時世之指東擊西茫若青盲者誠不足發吾狂笑矣爲發三歎匪庵

靈城精義二卷

文淵閣傳抄本

唐何溥撰明劉基註

賴氏催官篇解二卷

明抄本

錢求赤藏書

宋賴文俊撰

錢氏手跋曰地理之說予未之悉也大約巒頭  
爲體理氣爲用龍穴爲主砂石爲輔苟無龍何  
有穴龍穴既已不真則雖有佳砂佳水果合理  
氣此不過僞局耳皮之不存毛將安附此繪事  
必後素而龍穴必先于砂水也但世之時師所  
以欺人者惟此外局而人家復有房分之說遂  
致一青龍一白虎紛爭數十年不息致有弃遺

骸于弁髦者良可悲也催官之書主于立向而  
所重實在遷穴古人原未嘗誤後人也又所謂  
陽龍者今人多忽之亦云本之催官不知催官  
之所忌于陽龍者乃龍穴不真形凶孤露則忌  
之果龍正穴的水秀砂明全局合法則催官亦  
未嘗有後言也且此書僅爲科第田園而設主  
于安享太平優游富貴故有陽不如陰之論實  
則古帝王墳墓及猛將名臣元勳功宗多有發  
自陽龍者張子微玉髓全書可驗也至于陰龍  
所出其人重名義惜身家贍前顧後無難無災



坐致聲華富厚無窮此則陰龍之優而陽所未能也余嘗妄謂天下無事則陰龍用而陽黜以上承天意天下有事則陽龍有能禁亂開治者決不宜置而鬼神亦或不秘惜以終于禍亂也附識于此商之高明匪庵記

劉氏玉尺經三卷

明抄本

錢求赤藏書

元劉秉忠撰

錢氏手跋曰玉尺一書精于理氣而巒頭之理亦不外是即使郭景純李淳風楊筠嵩復出亦不易其言矣但內審穴一篇仍是審龍而穴情

之妙實有秘不盡言者蓋明于穴情寔可奪天  
功改神命其理至深至微其功蟠天際地故劉  
先生秘于無言蓋吝之也神而明之存乎其人  
余于後之君子有望焉匪庵記

星命總括三卷

文淵閣傳抄本

遼耶律純撰

大遼統和二年翰林學士耶律純以議地界事  
奉國書使於高麗遼東至其國頗聞國師精於  
星躔之學具重幣設威儀求見屢請不從一日  
自請於高麗國王曰臣奉國書來此稔聞國師

富於道德星命之學願借玉音得遂一見以請  
所學何異昌黎之遇大顛也國王遂命一見既  
見之後往復數四前請曰微生跽伏北方聞國  
師深於星命之度今日天幸得瞻豪相願北面  
從師畧聞一二以聳北方之學者亦是三生夙  
昔之幸不知可乎國師曰何不可之有但學士  
平生論學有何所得吾與學士從長商榷而已  
何以師爲曰庸學得於生尅制化之外亦有十  
條以前六條看根本後四條看流年其一曰太  
歲尊神加臨管攝其二曰無中有曜弱處高強

其三曰得經失次細辨盈虛共四曰身傍母吉  
傍鬼者凶其五曰同宮千里異宮尺寸其六曰  
黨母福多藏鬼禍大其七曰元守雖詳流年尤  
急其八曰當生變曜流年變星其九曰限併諸  
煞貴祿不臨其十曰流年諸星無忽柔曜此十  
條者各有詳註未審如何國師曰此十條之說  
亦末矣本之則無今學士談星根本以宮主爲  
重耶度主爲重耶曰得於平昔之講明以宮度  
兼論不可用一而廢一也國師笑曰宮度兼論  
吾恐子於星度胸中不能自斷何以斷人之禍

福耶且如命躔丑宮之牛度宮土度金限行遇  
火一生一尅何以爲斷又如命坐寅宮尾火虎  
度木宮限行遇水一生一尅何以爲斷於禍福  
何憑遂再進曰願棄所學而從師求教師曰吾  
嘗以近世談星者言宮不知度言度不知宮二  
者胥失矣吾於海上異人授我以偏正之垣於  
二十八宿之中分之曰一太陽五太陰六木六  
土六水二火二金之說學士曾聞之乎曰未也  
國師曰人生於地日月五行見於天其生值此  
七曜之吉則一生享福安榮遇七曜之凶則一

生忙迫百不如意日月五星其爲物也於天地間最大於天下萬物日主晝月主夜乃天之眼目也在天有五星在地有五行人生在世五者一日不可缺觀星談命苟不知此本根則爲徒然學宮度兼論之術何以決人之禍福故十二宮有偏正之垣子宮以虛日鼠爲正垣鼠乃子垣之宮神非正垣而何也丑宮牛金牛寅宮尾火虎卯宮房日兔辰宮亢金龍巳宮翼火蛇午宮星日馬未宮鬼金羊申宮猴火猴酉宮昴日雞戌宮婁金狗亥宮室火豬皆本宮之正垣此

乃千古不易之論此談星之大根本不可盡知  
要妙哉所謂一太陽者太陽君象也天無二日  
民無二王惟星日馬乃太陽之正垣太陰者后  
妃之象后妃嬪眾多宜太陰之有五也故以鬼  
金羊爲太陰之正垣其餘張心危畢月皆偏垣  
之月也六木者寅宮尾火虎亥宮室火豬爲木  
正垣其餘斗奎井角皆偏垣之木也六土者子  
宮虛日丑宮牛金爲土正垣其餘女氏胃柳皆  
偏垣也六水者巳宮翼火中宮觜火爲水之正  
垣也其餘箕壁參軫水皆偏垣也二火者卯宮

房日戌宮婁金爲火之正垣二金者辰宮亢金  
酉宮昴日爲金之正垣天地之間水木土隨遇  
而有隨所居而可得木滿山林土滿寰宇水滿  
江河隨處皆有至於金火則不可多得焉只有  
二火二金使金如火如木水土之多則天下嘗有  
持刃縱火之患耳豈不爲世道憂吾有偏正垣  
七政論并日月並明說計八篇又有二百字真  
經二十五題詳於學士十條者學士所舉十條  
人常聞常知也吾之諸論其金火者人所未聞  
未知也今以授子子欲行之當誓於天地鬼神



不可輕泄此天機玄妙吾得海上異人所傳而未嘗泄今子得吾之傳若不實而重之必招譴於天不可逃也乃對師焚香設誓三日後國師遂以諸論八篇與夫二百字真經二十五題授之百拜而寶之大遼統和二年八月十三日耶律純自識

演禽通纂二卷

文淵閣傳抄本

〔不著撰人名氏〕

集部

別集類

胡曾詠史詩一卷 抄本

唐胡曾撰

海陵周公文集二十三卷外集一卷 影寫宋刊本

宋周麟之撰

本朝沿唐舊西掖掌外制北門掌內制謂之兩制而非侍從近臣之通稱也太宗時四方砥平人才輩出專以是處文學器識之士禮遇非他官比二府有闕率於此取之惟參知政事蜀人蘇易簡尤被眷獎其自兩制入中書猶未強仕淳化二年御飛白書玉堂等四字以賜至今號

爲北門盛事炎祚中興時則有吾宗樞密公茂  
振以雋明之才辯麗之文受知上皇人皆以蘇  
公遇太宗爲比年踰三十由館閣兼書命其後  
直拜掖垣入翰林三遷爲學士每一制詞出學  
士者爭相傳誦天子嘗褒云卿久掌內外制中  
外士大夫咸稱得代言之體紹興三十年復大  
書玉堂二字賜之其視淳化若合符節公先世  
亦蜀人也後徙海陵登科者踵相躡所居號叢  
桂坊世有顯人至公遂大用可謂盛矣公薨嗣  
子準哀遺藁得二十三卷而內外制殆居其半

蓋久官于朝故其他詩文因事而作者少然溫  
潤精切鼎鑪可知向使天假公年主盟斯文則  
述作之富雖至千百卷可準刻意家學數以序  
爲請予與公同宗同朝不得而辭公諱麟之茂  
振字也淳熙癸卯正月十日通奉大夫知樞密  
院事榮陽郡公周必大撰

黃四如先生六經四書講稿六卷

影抄明刊本

宋進士朝奉郎國子監簿黃仲元撰門人武夷  
山人詹清子編門人承務郎翰林修撰徐應鍾

校

黃佐序

嘉靖丁未

江汝璧序

嘉靖戊申

九代孫文炳書

嘉靖丙午

葦杭漫遊稿四卷

舊抄本

宋胡仲弓撰

定菴類稿四卷

文淵閣傳抄本

宋衛博撰

屏巖小稿一卷

文淵閣傳抄本

元張觀光撰

滎陽外史文集

舊抄本

明鄉貢進士鄭真千之父著

存卷七至十三卷二十一至三十卷三十三至六十七卷八十二至一百

方誌序

春草齋集十卷

文淵閣傳抄本

明烏斯道撰

宋謙序 洪武八年

梁鳳寓藁詩集九卷

舊抄本

明夏臺王翰時舉著曾孫繼善編輯

呂經序 正德戊寅

省愆集二卷

影寫明正統刊本

**明**黃宗豫撰

楊榮序

宣德八年

金幼孜序

楊溥序

宣德八年

黃淮序

楊士奇題後

宣德癸丑

王豫後序

正統八年

竹巖先生文集十二卷

影寫明刊本

**明**柯潛撰

四世從孫維騏編

鄱陽劉彥昂詩集九卷

影寫明刊本

[明]鄱陽劉彥昂撰太史會稽楊廉夫評

玄虛羽人序

洪武

危素序

宋濂序

楊維禎序

泰定丁卯

槎翁詩集八卷

影寫明刊本

[明]泰和劉嵩子高著

宋濂序

洪武五年

劉永之序



烏斯道序 洪武十二年

殷強齋先生文集十卷 影寫洪武刻本

明殷奎撰門人余煥編

陳振祖敘 洪武壬戌

余煥書後 洪武壬戌

龔詡序 正統十三年

頤菴文選二卷 抄本

明豫章胡儼若思撰

曜仙序 宣德壬子

胡廣序 永樂丙申

鄒緝序 永樂丙申

楊士奇序 永樂十七年

唐思士詩四卷附會稽懷古詩一卷 影寫明刊本

〔明〕唐之酒撰

紫霞子序

戴冠序 弘治庚申

王俊華序

張傅士後識 天順辛巳

密菴集八卷 抄本

〔明〕謝蕭撰

戴良序

總集類

天台前集三卷別編一卷拾遺一卷續集三卷拾遺一卷別編六卷

影寫宋刊本

前集宋林師箴編別編續集宋林表民編前集  
禾有州學學諭林師箴校勘文林郎台州州學  
教授姚宜中校勘兩行別編末有文林郎充台  
州州學教授姜一客點檢一行

州爲一集在昔有之近歲東南郡皆有集凡域  
內文什彙次悉備非特夸好事資博聞也於其

山川土宇民風土習互可攷見然則州集其地志之遺乎天台以山名州自孫興公賦行江左迨今千禩大篇春容短章寂寥未聞省錄之者予來經年思會粹爲一編書願無其暇方延諸儒議修圖謀謂茲尤所先急一日州士李棨昆仲出其先公御史所哀文集四帙以爲覓已而州學諭林師葢又示唐宋詩三百餘篇於是摭取前代之作刪重補佚而增其未備爲賦三詩歌行合二百梓而刻之自餘續集傳焉嗚呼亦可以爲當矣不出戶庭而盡睹海山之勝不費

探討而坐獲巾笥之藏天下之事成於有志其  
理固然未有若是之捷且速也圖謀雖未亟就  
觀此集斯過半矣嘉定改元重五後一日宣城  
李兼序

天台集林君師點編也先是李侯刊之郡齋今  
其子表民又會稗得百篇搜奧抉奇殆無遺恨  
可謂能廣父志者會齊侯好古如李乃續刊焉  
今而後遂成完書矣陳耆卿題

天台集舊所刊本頗多舛誤或者妄有增入予  
苦病之因再輯晉唐以來詩爲別編郡守齊公

喜而鉅諸木遂復釐正舊集闕誤四十有五處  
及削去沈約沈道士館玉盤檀林皮日休天竺  
桂子三詩以李巨仁登台山李端贈衡岳禪師  
皮日休夏日卽事三詩補入刊旣訖又得二詩  
姑載于此嘉定癸未小至日林表民記

續集二卷昔者寓公李公子長所編今因其成  
無一敢增削粗加次第而已後一卷州士林師  
葺林登泊穉子次藝草所彙次大氏皆國初至  
政宣間諸公人士之詩什雖緇徒不廢然而近  
世作者不預焉蓋遵前人已立凡例亦會解秩

匆匆力僅及此後之博雅君子續之又續之正  
自佳耳戊辰重九前一日假守臨海郡李兼題  
表民曩爲天台前集別編而唐賢題賦始粗備  
棘卿青社齊侯刊之矣皇朝群公所作雖已見  
諸續集然渡江以來及前朝散佚未纂輯者反  
過之歷年于茲僅克就緒府丞餘不沈侯樂善  
成媿亟爲鳩工幸遂訖事荆谿公併于赤城集  
序詳著矣或以爲見聞甚淺蒐集尙闕實不敏  
自恕若見在詩人之詩則力所未逮悉有望好  
事該洽之士倡成之滄祐戊申中秋玉嶼林表

民書

郡帑既刊續集別編五卷矣踰年後得若干首  
儲爲第六焉凡前修題賦天台見於策牘得之  
傳聞者悉收采靡遺因告諸太守宗丞吏部嘉  
禾張侯忻然命工赤城集末後三卷接續刊刻  
於是二書皆得行世實侯力也庚戌夏五林衣

民書

詩文評類

文說一卷

抄本

元陳繹曾撰



師宋樓藏書續志卷之四終